

حيات

حيات دأما حیات... دنیای دها هر حیات قاتلم...
- نجه -

نومبر ۱۰ غرور
سنه لکی پسته ایلده لیرا
(اجنبی مملکتلر ایچین ۵ دولار)

ایونه و اعلان ایشلری ایچین استانبول بوروسه
مراجعت ایدیلیر
یازی ایشلرینک مرجعی آنقره مرکزدر

اداره مرکزی :
آنقره ده ، استانبول جاده سنده آنقره
معارف امینلکی یاننده کی داتره

استانبول بوروسی :
استانبولده ، باب عالی جاده سنده ۸۷ نومروده
داره مخصوصه

۲ نجی جلد

آنقره ، ۲۳ حزیران ، ۱۹۲۷

صافی : ۳۰



طیاره می لیند برغک

موفقیتی مناسبتیر

بعضی ملاحظه لر

صوک زمانلرده همان هیچ بر کیسه یه
لیند برغ قادر شرف و شهرت قازانمق نصیب
اولامشدر . پارسه ایندیکی زمان بیکلرجه خلق
وجد ایچنده اونو آلقیشلادی ، قاج شاعری
بو کنج طیاره جینک جسارتی تهییج ایندی ،
اوکا « قصیده لر » یازدی لر . لوندره یه ایندیکی
زمان خلق طیاره نك آلتنده قالمق تهله کسه
رغمأ اوزرینه آتیلیمق ایسته دی ، وطنه بویوک
بر قرووا زورله دوندی ، امریقا ساحلنده درت
یوز طیاره اونو استقبال ایلدی . بیکلرجه انسان
اونو کورمک ایچون کچه جکی بوللره دوکولدی لر .
بو حادثه بزی ایکی نقطه نظر دن دوشوندرمیلیر :
(۱) طیاره می لیند برغک بوقادر هیجان دوغوران
موفقیتنک اساسی نه در ، طیاره جیده وجد درجه سنده
تقدیر او یاندران مزیت هانکیسیدر ؟ (۲)
لیند برغده کی اراده قدرتی بالکزانلک فردیتنده می
آرامالیدر ، عیجا لیند برغی تهله کله دولو بر
یوله سوق ایدهن اجتماعی عامل نه در ؟

لیند برغ ذکاسیله یکی برکشفده بولونمادی ،
اونده آلقیشلانان مزیت اراده سی ، اراده ده کی
قدرتیدر . ذاتا بشریتی الکچوق وجده ، هیجانه

کثیرن ، تقدیر او یاندران مزیت ، ذکا دکلدر .
اوتهدنبری انسانلر مختلف طرزده تجلی ایله ی
اراده قهرمانلرینی تجیل ایتشلر ، یوکسک بر
ارادی حرکت قارشیسنده هیجان دویمشدر . اسکی
یونانستانک رواقی فیلسوفلری بو حقیقتی غایت ای
کورمشلردی : مفکوره وی انسان اولارق قبول
ایتدکلری « حکیم » بر اراده قهرمانیدر . بویوک
دین اولیالرنده یوکسک کورولن حال اوتلرک
بو مفکوره اوغرنده عزتلری ، بوخصوصده کی
معنوی قهرمانلقلیدر . ساده جه آنی بر الهام
ایله بر حقیقتی بولیورن بر آدام فرض ایدیکنز .
البته بو آدام ، سنه لرجه معین اصول ایله بر حقیقتی
تحریر ایله ی بر عالمک وجدانلرده تولید ایله دیکی
حرمتی او یاندراماز . عالمده کوزل و یوکسک
اولان جهت متمادی تحریر عشق و اراده سیدر .
بر عصرک ، بر مدنیتک معنوی دسته کی
اولان فکر و اعتقادلری الک زیاده فلسفی
اثرلرده کورمک قابلدیر . چونکه فیلسوفلر
یاشادقلری مملکتک و زمانک اعتقادینی ،
بارز وصفی ، الک ایی سجه بیله ن و بونلر اوزرنده
دوشونه یلن ذکالدر . صوک عصرک بویوک
فیلسوفلرینک اثرلرینه باقیکنز ، ضمنی ویا آجیق
بر طرزده معاصر بشریتک بوخصوصده کی قنا .
عتلرینک ایزینی بولور ، اراده نك بشر ایچون الک
اصلی عنصر اولدینی ، حتی ذکانتک ، فعالیتک
واراده نك مولودی بولوندینی فکری کورور .
سیکنز . « قانت » ک الک بویوک مزیتلرندن بری
ونجه الک مهمی اراده نك عقل نظری یه فائقتی
ادما ایله مسیدر . فیلسوفه کوره عقل عملی
واراده ، دوغرودن دوغرودن عقیده لر ، مفکوره لر
وضع ایدهر . شوپنهاور « قانت » ک اثرنده کی
بوالک مهم نقطه یی غایت ایی قاورادی . واونو بوتون

کانتانک اساسی تبدله سوق ایدهن غریزه ده ،
حیات ده ، اراده ده کوردی . یازیق که باشقه بر
عامل بو جوق درین متفکری دهانی تعریفده
یا کیلتمش ، دهانی ذکانتک انکشافی ظن ایتدیرمشدر .
نجه کندینک مریبسی عد ایله دیکی شوپنهاور
فلسفه سنده کی اراده یی پک ایی تنویر ایتدی .
او ، دهانک اراده ده متمرکز اولدینی پک ایی
کوردی : « فوق البشر » ، قیمت حکملرینی
دکیشدیره بیله جک اراده قهرمانیدر .

یالکز بوقادار دکل ... الک جوق ذهنلری
اشغال ایدهن مسئله لر دن بری « حقیقت » دیدیکمز
فکر و حکملرک ماهیتیدر . ناصیل اولویورده
بعض فکر و حکملری (حقیقت) عدایدیورز ؟
اسکی یونانلیلرک (سوفیست) دهنیلن متفکر .
لرندن اعتباراً بوتون فیلسوفلری ، حتی بالخاصه
صوک زمانده یوکسک عالملری اشغال ایدهن الک
مهم مسئله لر دن بری بودره . صوک عصره کلنجه یه
قادر بوسواله فیلسوفلر آرالرنده کی ایضاح فرقلرینی
قالدیریرسه ق ، ایکی تورلو جواب ویریورلردی .
بری خارجی طالمک ، شائیتک ذهن اوزرینه تاثیر
ایدهرک « حقیقت » ک تشکل ایتدیکی ، دیکری
ذهنک فطری قانونلری اغانه سیله خارجی تاثیرلری
ترکیب ایدهرک حقیقتی تولید ایلدیکیدر . فقط
صوک الی الشمس سنه ایچنده « حقیقت » ک ماهیتینی ،
معیارینی بستیون باشقه تورلو ایضاح ایدهن یکی
بر مسلک وجوده کلدی . بومسلکک مدافعی
اولان فیلسوفلره کوره بر فکر ویا حکمی
« حقیقت » یاپان نه تماماً متشکل خارجی
طالمک تاثیری ، نه ده دماغه ، ذهنه خاص بعض
قانونلره اشیانک انطباعلرینک ترکییدر .
فکر و حکمی حقیقت حاله صوقان اونک تولید
ایلدیکی عمللر ، نتیجه لر ، اطمشانلردر . پراغماتیت

فلمنگده ایکی کون

- سیاحت ژورنالندن چیقارلش برایکی صحیفه -

اکلاتیور، بری (هوق) دن کیجه سرویسی،
اوتیکی (فله-سینغ) دن کوندوز سرویسی
و هانکیسنی ترجیح ایدم جکمی صوریور.
اوزون اوزادییه دوشونمکه بو ایکی خطک
زهرلدن کچدیکنی تدقیقه وقت یوق. چابوق
اکلاشمیلی و بیلتیمی آلوب چکیلیمیلیم که آرقامده
بکلهین و صبرسنلق علامتلی کوستهره
کیمه لرده ایشلرینی بیتیرسینلر. بئم بورادن
چیققدن صوکره عجله یاپیله جق نه قدار ایشلرم
وار، مثلاً فلمنگدن کچه جک ایسم بر بانقه یه
قوشمالییم، فلورین آلمالییم. پوستیه ویریه جک
پاکترم وار. بر ایکی یرمه قارت براقالییم

مدح ایدیورلر و شیمدیکی حالده دنیانک اک
سوسلی، اک مکمل و سریع واپورلری بونلر
اولدیغنی سویلیورلر. بوانی بر فرصت، فقط
بو هاقا پوستاسنه بتمکه امکان یوق. یولجیلر
واپوره یکریمی درت ساعت اول کیرمکه مجبور
ایمش. بوتصوردن وازکچلی. اوحالده استفاده لی
ونیم ایچون تمامیه یکی باشقا بربول ترجیح ایتملی
مثلاً: فلمنگدن کچمک اوزره؛ شیمدی فلمنک
خریطه سی اوزرنده عجله بر پروغرام چیزمک
لازم کلیور. آرقامده بئم کی بورایه ایضاحات
آلمغه کلمش ایکی اوچ کیشی وار. مادمازل بکا
فلمنگدن انکلتیره کونده ایکی سفر اولدیغنی

۶ مایس، جمعه - هانوردیم. آلمانیا ده کی
زیارتلرم ارتق نهایت بولیور. بورادن انکلتیره
کچه جک، لوندیره کیده جکم. هانکی یولی
ترجیح ایتملی؟ بر سیاحت بوروسنده پک آز
انکلیزجه بیلن بر مادمازل بکا درد اکلاتمغه،
صوردیغ سؤالره جواب ویرمکه چالشیور.
بورادن هامبورغه کیتمک، آلمانیاک و آوروپانک
بو پک مهم لیمانی کوردکدن صوکره اورادن
هامبورغ - آمریقا ترانس آتلانتیق واپورلردن
بریه جنوبی انکلتیره نک ساوساپتین لیمانه کچمک
وار. هامبورغ آمریقا قومپانیه سنک حرب
عمومیدن صوکره یاپدیردینی بو یکی کیلری پک



فلمنک، مارکن آراسی کولمبیرنک ملی قیافتلری


فلمنکی بر باشند بر باشه کچه رکن بویه کینمش
کویلیر به بیلم راست کله جک میسکز ؟ بو سزک
ایچون بر طالع اثری اولاجق، شیمدی کویلیر من
ر شهرلی کبی کینورلر . قیافتلرده کی فرق پک
آزالدی . فقط بعضی آدالریزده مثلاً : مارکنده
هله سیاحلرک دائما زیارت ایتدکاری یرلرده
کویلور اجنیلرک نظردقلری جلب ایچوناسکی
قیافتلری مخافه ایدیورلر .

بو ایضا حاددن پک خوشلانمادم . یلده کیرمنسز
تاختا طاقونیالی ، شالوارلی دانستالی کویلوسز
برفلمنک ، کندی قومشورینه و مثلاً آلمانیا به
پک بکزه به جک بر فلمنک ... بنم مراقی تطمین
ایتمه جکدی شمدی به قدار او قودقلمه ورسلمده
کوردکلر مه کوره خیالده جانلاندیردیغ فلمنکه
بو نه قدار یابانچی بر مملکت اوله جقدی ...!

تره نمز بو یوک برسرعتله برایکی کویک ایچندن
کلوب کچیور . پک صبق اولان بو کویلر آراسنده کی
ایکی صیرا آغاچلرله سوسلو یوللرده نه قدار
قالالباق وار . بو قالالباقده ایکی شی کوزیمه
چارپیور : بری ، یول آرقاداشمک آکلادیغی
کی ، بوتون بو خلق ایچنده برتک کویلی البسه سی
کورمه دیکم ، دیکری اکثریتله بو خلقک قادی
ارکک بیسیقتل اوزرنده اولملری . . آرقاداشم
آکلایور : « فلمنکه یدی میلیونه یاقین نفوس
واردر : مملکتده کی بیسیقتلرک عدسی اوچ
بوچوق میلیون بولور . » دیمک که ایکی نفوسه



بر فلمنک بالقیسی ربارورسی



(Yacynthenvelden.

فلمنکه سنبل باغچلری

بردن بری ترنده یم . (اوزنابروق) ، (سالزبرکن) ی
جکک . ایشته (به تنهیم) . . آلمانیا ک صوک
استاسیونی و ایشته (اولدن زال) فلمنکک ایلک
غاری . . فلمنک طوپراغنده یز . دیشاریده هیچ برفرق
کوره میورم ، شرقی فلمنکک غربی آلمانیا دن برفرق
یوق . استاسیون بنالریک بویاسندن و مأمورلرک
شاپقاندن باشقاد کیشمش برشی کور میورم :
عینی یشیلکلر آراسنده قایب اولمش عینی یجمده
قصبه لردن صوکر ایشته صیرا صیرا فابریقالر . .
هانیا دورغون صولرنده آغیر آغیر کیلردولاشان
قاناللر ، هانیا صیرا صیرا اوزانان و دورمه دن
دونن یل ده کیرمنلری . . وهانیا ماوی کنیش
شالوارلی سیاه قالپاقلی ، آغزنده پیپوسی ،
آیاغنده تاختا قوندراسی ایله فلمنک کویلیسی . .
واونک یاننده قولقلری حذاسنده ایکی کوشه سی
قیوریق و ته سی سیوری دانتلادن کلاهی ،
آلاجه رنگلی قیصا منتانی و کنیش فیستانی ایله
شیرین کویلی قیزلری . . . تره ده لر ؟ . . .
قومپارتیمانده احباب اولدیغ فلمنکلی به صور میورم
« قاناللری راز صوکر کورمکه باشلا به جغز ، دیور ،
فقط یل ده کیرمنلری ، کیتدکجه آزالیور ، مملکت مزه
پک خصوصی برکوزهللک ویردن بوده کیرمنلرک
سیره کله شدیکنی کورمک بزیده متأثر ایتمیور
دکل ، فقط بونلر یرینه داها عصری تأسیسات
قوندیغی ایچوان بو بزجه مهم بر ترقیدر . بحث
ایتدیککز قیافتلره کلنجه ، بوتون سیاحتکزده

بوتون بونلر تره نک حرکتندن اول یاپلیسی لازم
شیر . بنم کبی بوبکین کیمه لردن هر برینکده
کیم بیلیر نه ایشلری واردر . . . بو جهته داها
فضله آراشدیرمنی صوکرایه براقه رق مادمازله
کوندوز سرویسی ترجیح ایتدیکمی سویلدم
فقط بونی سوبله رکنده عقلمه پاساپورط و ویزه
مسئله لری کلدی . شیمدی آوروپاده حرب
عمومیدن اول اولدیغی کبی همان بر مملکتدن
اوبرینه کچله میور . مطلقا ویزه لازم . بوده بر
یولجی ایچون باخصوص یابانچی برشهرده چوق
زمان آلان پک صیقیتلی و اوزوجی برایشدر .
هم باقلم هانوورده بر فلمنک قونسلوسخانه سی
وارمی ؟ بونی مادمازله صوردیغ وقت فلمنکدن
کچمک ایتیه جک بر یولجی ایچون ویزه لزوم
اولمادیغی جوانی ویردی . دوغریسی بو جوابه
بردن بره اینانه مدم ، غربی آوروپا حکومتلرندن
برقسمنده بعضی حکومتلر کندی تبعه لری ایچون
متقابل اولق اوزره ویزه ایتیه میورلر . فقط
باشقا مملکتلر اهالیسی ویزه تابع بولوندریورلر .
بونک سبی ویزه خرجیه تأمین ایدیلن بویوک
استفاده اولدیغی غزته لر یازیورلردی . بو حالده
فلمنکه ویزه سز کیریلوب چقیله بیله جکنه ناصل
اینانمالی ؟ مادمازله تلفون ایله فلمنک قونسلوسخانه .
سندن تکرار صور دورارق ویزه لزوم اولمادیغی
جوانی آلدقندن صوکر ایتیمی کسیدرم .

۷ مایس جمعه ابرنسی - اوکله دن صوکر



فلمنك جيفه بيلگه يك ايلر بده بر مملكت . اينظره بر موهو كې
دقت رانهمه اقال

اوموز چاربان ، ايتن قاقان بر كيمسه راست
كلم . بر برينه معا كس ايكي جريان كې بوايكي
صيرا راحت راحت آقوردی . بوجاده ده
آمستردامك اك كبار اك سوسلو مغازه لری
طوپلانمشدی . جامكانلرده تشهر ايدیلن اشيارك
ظرافته ، كوزللكنه حيران قلامق ممكن دكلدی
بوجامكانلر بويوك بر ذوق ايله ترتيب ايدلمشیدی .
ساعت اون بوجوق اولدینی حالد مغازه لرك
هېسی آچقیدی . برجوق خلق بو دكانلره
كیریور ، اللری پاكتلره دولو اولدینی حالد
چیقورلردی .

بوساعته آوروپانك ديكر شهرلر نده مغازه لر
قابلی اولور . بونقطه بنم مراقی جلب ایتدی .
هم هدیلك كوزل شیلر ده كوزمه ایلدشمشیدی .
بومغازه لر دن برینه كیردم . بوراده همان هر كس
انكلیزجه قونوشیور . بوجهته قولایلقه هم براز
آلیش ویریش ایتدم ، هم ده بنم حیرتمی موجب
اولان مسئله یی اوكره ندیم : یارین بازار ، بوتون
كون هر طرف قابلی بولونه جنی ایچون جمعه ايرتسی
كونلری ، ساعت اون بره قادار مغازه لر آچیق
قالیرمش . دیکر كونلر بويوك مغازه لر آلتی
بوجوقده قاپانیرمش .

بوصباح شهری كزدم . بولانیق صولی دار
قاناللر شهرك همان بوتون مهم سوقاقلرینی تشكيل
ایدیور ، وقیله بر چامور دریاسی اولان بر

۸ مابس ، بازار - دون آفشام کچ وقت
سکزه دوغرو آمستردامه کیردیکمز زمان کیجه
اولمشیدی . هر طرفه بیکلرجه الکتریق
لامباسنك عکسلی ، دورغون صولو قاناللرده
نه كوزل خارله نیوردی . هله یوکسك بنالر
اوزرینه قورولمش قیرمیزیلی ماویلی وکاه آچیلوب
یانان وکاه سونه ره قلاملرک صوده کی ایزلری
نه شیریندی !... آمستردامه شمالک ونیدیکی دیورلر .
بوشهرده ونیدک کچی بر طاقم کوچوک کوچوک
آدالراوزرینه قورولمش . شهرک سوقاقلری اکثریتله
قاناللردن مرکب . ترنده طانیديغ فلمنکلینک توصیه
ایتدیکی آوروپا اولتنه ایندم . شهرک تمام مرکزنده
دار و کوزل بر قانالك دیرسك چویردیکی
برکوشه ده ؛ بوتون آمستردام بنلری کچی ، قازیقار
اوزرینه قورولمش سکز قاتلی سه ویلی براوتل ؛
دون کیجه براز کزدم . ایکی شیء کوزمه
چارپدی : بری شهرک اک قالا بالق چاده سنندن
تراموای و آرابه کچیریله یشی . بونلر قاناللر بونجه
پاپلش سوقاقلردن کچورلر . فقط اک ایشلک
جاده یالکزی یالره مخصوص . ایکنجیسی آغزینه
قادار دولو اولان بوجاده ده خلقک یورویشی ؛
خلق یایا قالدیر یملرندن ماعدا سوقاغی ده اورتاسنه
قادار دولدوریوردی . صانکه یره بر چیزکی
چیزیلرک سوقاق ایکی به بولونمش کچی خلق ده
ایکی به آیرلش ، صاغدن کیریورلر ، صولدن
دونیورلردی : ترس طرفه دوغرو بوروین

بر بیسقتل ، دوشیور . بو بیسقتلرک بر قسمی
داخلده یاپیلور ، کری قالاتی بلجیقادن ، آلمانیا دن
کتیر تیلیورمش .

ایشته قاناللر باشلادی . راین هرینک
قوللرینه یاقلاشیورز . یاواش یاواش منظره
ده کیشیور و بنم ایچون پک یکی شکلر حاله
کیریور . بوکا نمون اولویورم . یوقسه فلمنکدن
کچدیگمه بشیان اولاجاق وخیالده کی کوزل
نشئه لی وتمامیله غریب ، ایزلری سیدیکمه تأسف
ایده جکدم . ساحله یاقلاشدقچه فلمنک هر شیک
اساسی صویه واران بر مملکت اولدینی ده بارز
برشکلده کوسته ریور . باشدن باشه یشیلکلره
قاپلی دوم دوز اوواده ، شوراده بوراده کی
دیرکلری کورونیور . بونلر قاراده می ایلر یلیورلر ؟
ده میریولنک آتی بر حلزونی بزى اونلره یاقلا .
شدیریور . اوزمان فرق ایدیورز که بونلر
قاناللر ایچنده آغیر آغیر ایلرله ین کیلردر .
بو کیلرک بعضیسی قاناللرک کنارینه پاپلش بولده
ایلرولین بر به یکیر چکیور . سبزه یوکلی شو
اوته کی قایغده باقیکنز . دیره کنه صارلش بر
ایک اوجی قاراده ایکی کیمجینک اوموزلرنده .
بر جوق یرلرده قاناللرک ، اورته سنندن کچدیگمز
دوز اووایه نسبتله یوکسکده قالمش اولدقلری
فرق ایدیورز . کیلر آغاچلرک تپلری واولرک
داملری خذاسندن کچورلر .



آمستردام ، زنبیک کچی سوقاقلری کتیرتد
قاناللرده مرکب بر شهر - اسکی بر قانال



فلمنك فاربهرنك اوى نمبرلكيد وانظاميد طاعشدر

فلمنك فاربهرنك اوى قباغدرى

استثنالردندى . بوبارلاق ايلك بهار كوشى ،
هر طرفى يشيللكرله قابلى اولان بوسه ويلى
مملكى داهل جاذب كوسته ريووردى .

ماركن آداسنى تام بنم تصور ايتديكم كى
حقيقى بر فلمنك كوشه سى اولارق بولدم .
تميزلكرى ضرب مثل حكمنه كيرن فلمنك
كويليرينك ظريف وپك پارلاق رنكلره بويانمش

شمال ده كيزى كى اكثريله فيرتينالى ، بر ديكرك
دالغاريله كيريلن ، قوتلى مدوجزرلرله خيربالانان
قييلرنده ميلونلر صرفيله سدراپمشر ، بوسدرلر
آرقاسنده قالان يارى صولاق آراضى يى حتى
بويوك كوللرى ، وايچ ده كيزلرى قوروتمشر ،
بونلرى برر تارلا ، چاپراق وچيچك باغچه سى
حاله كتيرمشر . شيمدى ده زويديرزه كورفزينى
قوروتيورلر . هم ماركن آدالرينى كورمك ،
هم كورفرك پك ايلريلديكى سويله ن قوروتمه
عملياتى ياقيندن سيرايمك ايچون برتزه واپوريله
كورفزه كوچوك بر جولان ياپدم ، بر مايسدن
برى پك اى كيدن هوالر بوكون ده كوزللكنى
محافظه ايديووردى . اكثريله ياغمور ياغان ،
سماسى دائما بولوطر و سيسيلى ايله قابلى اولان
بومملك ايچون بويله اوست اوسته برقچ كون
بولوطسز بر كوك يوزى وشدتلى كوش نادر

باطاقلقده بوكوزل شهرى انسانلرك يورولمق
بيلمين غيرتلى ميدانه كتيرمش ، ذاتا فلمنك
بويله باشدن باشه انسانك طبيعته حكمندن ميدانه
كلش بر مملكدر . كندى حاله براقيلمش
اولسايدى بوكون اوزرنده يدى ميلون آدامك
ياشاديني بوزنكين ويشيل اولكا دالغار آلتنده
داغلوب اوفالان بر طاقم باطاللق آداجقردن
عبارت قالاچقدى . فلمنك اهالىدى مملكترلينك



روزد ام ليمانى

اورنه منت فانال وبل ده كيرمنلرى

اولرینی بوراده کورملی . کرک بالقجی ، کرک چیفتجی کویلیلر ملی قیافتلرینی محافظه ایتشلردی . فلمنکلی تره ن آرقاداشمک افاده سی بر آز مبالغه ای ایدی . زوئیدرزه کورفزی ایسه هان یاری یاری یه اورتادن غائب اولمش . درت سنه یه قادار بوتون کورفزدن اثر قالمه جق وبو معظم اثر بر میلیون دولاره مال اولاجق . قوروتمه عملیاتنک بو قادار اوزاتلمه سنه اک برنجی سبب ، بالقجیلقله کچینن بر جوق عائله نیک یکی شرائطه کوره حیاتلرینی قازانه بیلملری ایچون کندیلرینه زمان براقق ... بو صورتله بالقجیلر یاواش یاواش چیفتجی اولویورلر .

اوکلهدن صوکرآ آمستردامدن آیرلدم . یاریم ساعت صوکرآ هارلمده ایدم . چیچک باغچه لری باشلادی . ایشته کیمی پنبه ، کیمی قیرمزی ، کیمی بیاض چیچکلردن مرکب باغچه لر ، خایر باغچه لر دکل ، تارلار ... بودوز اووه ده کوزک کوره بیلدیکی یرله قادار اوزانیورلر . بونلر لاله و سنبل کبی صوغانلی چیچکلردر . فلمنک اخراجانده بو صوغانلرک مهم بر موقعی وار . بورادن چیچک موسمنده لوندره یه ، بارسه و سائر بویوک شهرلره کلیتلی چیچک کونده ریلیور . حتی بو چیچکلرک بر قسمی هر کون طیاره لرله سوق ایدیلریمش .

(لهیدن) ، (هاغ - لاهه ی) ، (ده لفت) کبی فلمنکک اک کوزه لر لریندن کچهرک روتر دامه کلدیکم وقت کیجه اولمشدی .

۹ مابس ، بازار برنسی - روتر دام ایله فله سسینغ آراسی فلمنکک اک جوق شایان دقت یرلرینی تشکیل ایدیور . دوز اووالرده بر برینه موازی اوزانان قاناللری ، وبو قاناللر کنارنده صبرالانان یل ده کیرمنلرینی ، یوکسک چایلرده اوتلایان سمیز اینک سورولرینی ، کنیش نهر قوللری اوزرنده قورولش بویوک کوپورلری ، ساحلده اون بش مترو ارتفاعه قادار یوکسه لن قوم سدلری آرقاسنده ده کیزک هر آن هجومه معروض تمیز کویلری ، بر قاج صبرا قازیقلر آراسنده پک صاغلام یاپیلش کنیش سد دیوارلرینی هپ بو ساحده کوره . بیلور سکز . بورادن کچرکن فلمنکده بولوندیغکزه آرتق برثانیه بیله شبه ایده مز سکز . اطراف کزده

کوردیککز هرشی سزه باشقا بر خصوصیت کوسته ریر .

تره ن تعرفه سنده استاسیونلرک اسملرینی تعقیب ایدیورم . فله سسینغه یاقلاشیورم . تعرفه فله سسینغه ۱۲،۳۵ ده وارا جغمزی و واپورک ۱۲،۴۱ ده قالفاجنی بیلدیریور . ناصل ، بوتون تره ن خلقی آلتی دقیقه ده می بوشانه رق واپوره پنبه جک ؟ پاساپورط ، کومروک معامله لرینی و سائر می بو قادار دار بر زمانه صیقیشدیرمق ناصل قابل اولابیلر ؟ واغونک پنجره سنندن اوزانه رق باقیورم و خطک بر قیوریم یرنده کوریورم که تره نمز سکز واغوندن مرکب . برلندن ، هامبورغدن کلن واغونلرده بو تره نه یولده بیلیم هانکی استاسیونده ، غالباً روزندالده طاقیلدی . بر آز اول یمک واغونه کیدرکن کوردمدی . بوتون واغونلر دولو ، بو قادار آدام آلتی دقیقه ده تره ندن اینوب واپوره یرلشه مز دییوردم ، قابل دکل . هرکسکده بو قادار اشیاسی وار . آل چانطه لرندن ماعدا طبیعی فورغونده دولودر . ناصل اولور ؟

فله سسینغه ، تام تعرفه نک اشارت ایتدیکی ساعتده کیردک . استاسیون حاللری صبرالانمشیدی . هان یولجی قادار حال وار . بر ثانیه ایچنده تره ن بوشالمشیدی . بنم چانطه لری آلان حال آلیه بر تنک طوتوشدیردی . واپورده سزی بولورم دییه رک سرعتله بندن آیرلدی . بو تنکک اوزرنده حالک نومروسی یازیلیدی . عینی نومرو حالک کوکسنده کی بر پلاقده ده کورولیوردی . اشیالری طاشیان حاللر ، باشقا بر قاپودن واپوره کیره لرکن یولجیلر خفیف ، راحت ، ایتیلوب قاقیلما دن باشقا بر قاپودن پولیس و کومروک دائره سنه کچیورلردی . بر برندن فاصله لی بش کرسیسی اولان برمدخلده پولیسلر پاساپورطک اوزرینه خروج تامغاسنی ووریورلردی . نه پاساپورطنی جینندن چیقاروب حاضرلامنی اونوتمش بر یولجی واردی ، نه ده وظیفه سنی سرعتله کورمه یین بر مأمور ...

هر مأمور در حال پاساپورطی آلیور ، فوطوغرافته و صاحبنه باقیور و تامغایی ووریوردی . بویوک بر سکوت ایچنده یالکز تامغا ضربه لری فاصله سز ایشیدیلیور و یولجیلر

آقین آقین بوش کرسی آراسندن زحمتسز کچیورلردی . واپوره کیره رکن هر یولجی بیلتنی قارنه سنندن کسوب وریور ، بیلتنسز اولانلر هان اوراده کی کیشه یه کچیورلردی . واپورده حامللر نومرو صبراسیله طاشیدقلری اشیانک یانی صبرا دیزلشلردی . زحمتسز کندی حاملی بولدم و تنکسنی اوکا اعاده ایتدم . اشیالریکزی غاردیروبه ویرمک ایسترمیسکز ؟ دییه صوردی . بو تنکلینی قبول ایتدم . مکر واپورده والیزلری مواصلت زمانه قادار صاقلا یه جق بر غاردیروب وارمش . حال اورایه اشیالریمی ویردی ، آلدینی بیلتنی بکا کتیردی و آیرلدی کتیدی . بو ائشاده ریختیمده تا کینک یانه کتیرلش اولان فورغوندن چیقاریلان یولجی اشیالری کمی یه ونچرله آشیرلش ؛ انبارلره یرلشدیرلشیدی . برثانیه صوکرآپالامارلر جوزوله رک کمی ریختیمدن آیریلیرکن ساعتیه باقدم . تره نک فله سسینغه واریشنندن تمام آلتی دقیقه صوکرآ یوله چیقوردق . اولماز ظن ایتدیکم شی ، انتظام ، هر شینی اولدن دوشونه رک اوکا کوره حاضر لانش اولق سایه سنده ، برده طبیعی یولجیلرک بو کبی سیاحتلره آلیشقین اولمالرینک یاردیمیه ، پک اعلا امکان دائره سنه کیرمشیدی .

واپورده - ساکن بر هوا ایدی . ده کیز اوصولو کورونیور ، کونش پارلدا یور ، فلمنکک آچاق ساحللیری یاواش یاواش آرقامزده افقدن سیلینیوردی . اوکله یمکنه ایندم ، بر ساعت صوکرآ تکرار کوکرته یه چیقهرق بر اوزون اسکله ده دیکلنمک ایستدم . بردن واپورک آجی آجی اوتوشی ، کوکرته ده هرکسی یرلرندن قالدیردی . مکرسه آنی اوله رق مدهش بر سیس طبقه سی آراسنه کیرمشک . واپور هر دقیقه ده بر دودوکنی اوتدیریوردی . سیس حقیقه پک کشف ایدی . هر طرفه بش اون آدیم ایلرینسی کورمک قابل دکلدی . عینی زمانده مدهش بر روزکار چیقمش ، ده کیز یوکسه لش ایدی . بو قوتلی روزکار سیسی اوکنه قاتمش شالان دوغرو اوزریمزه بیغیور وده کیز کیتدکجه مهم بر فیرتینا حالی آلیوردی . بو قوتلی سیس ایچنده واپورک سرعتی آزالتماسنی بکلپوردم . حالبوکه بزینه عینی سرعتله عادتاً اوچار جاسنه